

中國方志叢書·華北地方·第四八三號

據

清康熙三十二年刊本
清寶鼎望纂修

影印

河南省

內鄉縣志

(一)

成文出版社有限公司印行

鄉志片

辰夏余承乏茲土未逾月適
維公有脩輯郡志之舉博採所隸
邑乘徵文摭實微顯闡幽公之用
心可謂勤矣內鄉古名邑也在明中
葉戶口豐繁紳士蔚起舊志載之甚
悉亦彬彬一皆之盛哉自經兵燹後

凋殘未復而文獻無徵凡山川民物
以及歷代興衰沿革之故蓋闕如矣
康熙三十二年宛平寶君蒞斯邑廣
搜舊志彙成一書本末頗已犁具顧
二十年來風土景物更進於前而未
一脩載余心憾焉夫補殘理缺以成
一之全書邑宰事也又况當

聽其終晦也歟爰訪諸紳士詢諸
散老增所未脩者凡若干各埒於卷
末庶幾應 羅公博採之至意樂襄
盛舉以垂於無窮也方今

天子仁聖休養生息蒸蒸就理余雖
不才忝與邑政惟是無忘庭訓願與

斯人更相濯磨異日者風俗醇茂人
文不著尚當廣羅博徵紀一時之勝
槩於以敷揚盛美黼黻隆平將輔軒
之採未必不有取於斯焉是爲序
康熙壬辰七月知內鄉縣事漳海張

詠

內鄉縣志序

自黃帝畫野分疆而封建之制
以立虞夏之際巡省方岳合符
輯瑞執玉帛者萬國則知縣令
爲古諸侯之職其時諸侯各奉
其版籍上登天府於是有職方

之書斯志之所由始矣周秦以
來文字日繁故於戶口貢賦之
外必叙其山川城郭民風吏治
所產人物暨草木鳥獸莫不備
載而運會之消長民生之休戚
土俗之淳疵上下千百年洞若


觀火撫今懷古驗往知來洵邑
大夫之金鑑矣余出宰內鄉歷
徵舊志詳畧不一邇歲奉檄

纂修廣詢博採恪恭朝夕彙成
一書惟是地瘠民貧閭閻疾苦
有未易言者未常不於筆墨間

三致意焉余願與邑人共勉之
使農力於耕士力於學長吏力
於拊循相與有成以漸摩太平
之盛豈不並受其福哉是爲序
峕

康熙三十有二年歲次癸酉仲

秋穀旦南陽府鄧州內鄉縣
知縣加二級宛平寶鼎望謹
序



寶序

我意爲余願與邑人共

使農力於耕

其相循相與

之憂豈不並受其福哉是爲序

時糾收三縣次平寶鼎縣

景泰元年南園報發機術錄

內鄉縣志舊序

事之籍國有史郡若邑有志治所並重者也顧國
史有專官世守勿失故得不廢乃郡若邑之志其舉
廢往往以其人今夫令號親民視一邑若其家然理
家者食服器用桑田鷄豚及米鹽瑣屑以逮左右臧
獲之卑狎物必悉記人必周知凡以爲家也乃理千
室之邑而所爲聚物昭述感興剗逸繫維志是賴於
此任其廢墜而漫無紀載則何以資理道且也郡邑
天下之支而志史之藉也志廢則史靡所依憑如國

典何是又烏可緩視之也。內鄉建設所由來遠矣其志故無考。蓋至成化二十年邑大夫沃公始一纂修。迄今又百餘年矣。書成無遺。在當時已爲未備。而況歷祀綿邈。寥寥僅存者耳。迨歲邑侯蒲坂尚公撫還。編太息銳意纂修。乃取長公太史所著漸蹟參考之。而以李仲公比部董其事。余亦濫竽焉。又徵文學諸君相與載筆。其間於是。撫今遡昔。因畧致詳。比舊志增損十之二三。蓋卷帙亦旣備矣。尚公以內艱去。水及梓。迄今邑侯俞公。乃引以爲已任。屬邑博夏

公等裁定而以已意潤色之始授剗刪不佞喜于曠
典之復也謬綴一言於簡末夫文獻不足言禮者無
徵而諸侯之籍去則王制不可得而聞其詳至漢蕭
相國收圖籍卒用以定天下蓋紀事之籍所關於天
下非細夫言天下則一已可知茲志成於久湮未必
一無掛漏第施望於此而芥藻者因焉得托於裨官
野史俟觀風者之採異日者白虎青藜之彥編纂國
史而徵文獻於茲邑則斯志亦孤白之一腋於國典
未必無小補是役也夏侯博士倣蒲坂尚公之遺跡

增損之而筆削之屢遷求之確則斷自俞公故大義
凜然而文彩奕奕可觀不佞愧不能贊一辭第爲之
述其始末如此云萬曆辛丑歲季冬吉日賜進士出身
大中大夫陝西按察司副使加陞參政邑人許翥
撰

內鄉縣志舊序

昔蒲州欽陽向公之令內鄉也修邑志成行就梓矣
而以讀禮不果邑之人恒歉歉也今婺源冲台俞公
舉池烏可以緩年遂索其藁而更酌之卽

志猶國史也不虛美不隱惡史之體也斯其論人能言之矣茲志纂於許叅政月軒及家弟襲美之手倣昔人之意而更研磨數四乃俞公復酌量其間俾學博夏侯先生重訂之豈不稱美則愛耶夫功莫大於作有益而治莫要於急先務公令吾邑未期月而邑人宜之治聲彬彬然起矣行鄉約訓子弟員修邑志以鏡末俗是不爲作有益耶是不爲急先務耶公善政多端固不專此而卽此一節所以聲施方來